

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA TATU

KIKAO CHA AROBAINI NA MOJA

13 JUNI, 2016



ORODHA YA SHUGHULI ZA LEO

MKUTANO WA TATU

KIKAO CHA AROBAINI NA MOJA – 13 JUNI, 2016

I. MASWALI:

OFISI YA WAZIRI MKUU:

344. MHESHIMIWA JACQUELINE NGONYANI MSONGOZI (VITI MAALUM):

Atamuuliza Mheshimiwa Waziri Mkuu, (Sera, Bunge, Kazi, Ajira, Vijana na Watu Wenye Ulemavu):- Katika Ilani ya CCM (2016 – 2020), Serikali imeahidi kuinua kipato cha mwananchi mmoja mmoja:-

Je, ni lini Serikali itaanza kutoa fedha kiasi cha Tshs. 50,000,000/= kwa kila Kijiji au Mtaa ili kuwasaidia wananchi kuboresha mitaji yao.

OFISI YA RAIS (UTUMISHI NA UTAWALA BORA):

345. MHESHIMIWA RUTH HIYOB MOLLEL (VITI MAALUM):

Atamuuliza Mheshimiwa Waziri wa Nchi, Ofisi ya Rais (Utumishi na Utawala Bora):- Mheshimiwa Rais amepunguza idadi ya Wizara kutoka 23 hadi 18 ili kupunguza gharama za uendeshaji:-

Je, ni kiasi gani cha fedha za walipa kodi zilizookolewa kwa kuwa na idadi ndogo ya Wizara.

WIZARA YA UJENZI, UCHUKUZI NA MAWASILIANO:

**346. MHESHIMIWA JOHN WEGESA HECHE
(TARIME VIJINI):**

Atamuuliza Mheshimiwa Waziri wa Ujenzi, Uchukuzi na Mawasiliano:- Barabara ya Tarime – Nyamwaga – Serengeti inapita kwenye Mgodini wa Nyamwaga na pia ndio tegemeo kuu la uchumi wa Wilaya ya Serengeti na Tarime kwa kutoa mazao kwa Wakulima na kuyasafirisha hadi sokoni Musoma Mjini:-

Je, ni lini barabara hiyo itajengwa kwa kiwango cha lami.

**347. MHESHIMIWA OMARI ABDALLAH KIGODA
(HANDENI MJINI):**

Atamuuliza Mheshimiwa Waziri wa Ujenzi, Uchukuzi na Mawasiliano:- Kufuatia kukamilika kwa Barabara za Handeni – Korogwe na Handeni – Msata:-

Je, ni lini Serikali itafungua vituo vya Mizani katika barabara hizo ili kuokoa barabara hizo na kukusanya mapato hasa ikizingatiwa kuwa Miundombinu hiyo imeshatengenezwa lakini inaendelea kuharibika na haijawahi kutumika.

WIZARA YA MAMBO YA NDANI YA NCHI:

348. MHESHIMIWA FAKHARIA SHOMAR KHAMIS (VITI MAALUM):

Atamuuliza Mheshimiwa Waziri wa Mambo ya Ndani ya Nchi:-

- (a) Je, ni nini maana ya kitendo cha kupiga saluti kinachofanywa na Askari;
- (b) Je, ni Askari wa ngazi gani hupigiwa saluti;
- (c) Je, ni Maafisa/Viongozi wa ngazi gani katika Mihimili ya Serikali, Mahakama na Bunge ambao wanastahili kupigiwa saluti.

349. MHESHIMIWA FAIDA MOHAMMED BAKAR (VITI MAALUM):

Atamuuliza Mheshimiwa Waziri wa Mambo ya Ndani ya Nchi:- Askari wa Wilaya ya Mkoani katika Mkoa wa Kusini – Pemba wanakabiliwa na tatizo la uchache wa nyumba za kuishi na ubovu wa Ofisi zao:-

Je, ni lini Serikali itawajengea Askari nyumba za kuishi na Ofisi za kisasa katika Kituo cha Mkoani na Kengeja – Pemba.

WIZARA YA KILIMO, MIFUGO NA UVUVI:

350. MHESHIMIWA YUSSUF SALIM HUSSEIN (CHAMBANI):

Atamuuliza Mheshimiwa Waziri wa Kilimo, Mifugo na Uvuvi:- Kumekuwa na matumizi makubwa ya uvuvi wa kutumia mabomu katika mwambao wa Bahari ya Tanga mpaka Pemba:-

(a) Je, Serikali inafahamu athari za mabomu yanayopigwa chini ya maji;

(b) Je, Serikali imechukua hatua gani kukomesha aina hiyo ya uvuvi.

351. MHESHIMIWA OMARY TEBWETA MGUMBA (MOROGORO KUSINI MASHARIKI):

Atamuuliza Mheshimiwa Waziri wa Kilimo, Mifugo na Uvuvi:- Wananchi wa Ngerengere wamezungukwa na Kambi za Jeshi zaidi ya tatu na upande mwingine wamebanwa na shamba la mifugo:-

Je, Serikali ina mpango gani wa kupunguza sehemu ya ardhi ya shamba la mifugo na kuwapa Wananchi hasa ikizingatiwa kuwa watu wameongezeka sana na ardhi ni ndogo kwa huduma za jamii.

WIZARA YA MAJI NA UMWAGILIAJI:

352. MHESHIMIWA OMARI MOHAMED KIGUA (KILINDI):

Atamuuliza Mheshimiwa Waziri wa Maji na Umwagiliaji:- Moja ya changamoto alizokutana nazo Mheshimiwa Rais wakati wa Kampeni katika Wilaya ya Kilindi ni tatizo la maji hususan katika maeneo ya Makao Makuu ya Wilaya, Kata za Saunyi, Mabaranga n.k. na Serikali ina Mradi wa Maji wa HTM ambao unatarajiwa kuwapatia jirani zetu wa Wilaya ya Handeni huduma ya maji ambapo utekelezaji huo utafanyika Mwaka huu:-

Je, Serikali haioni umuhimu wa kufanya “*extension*” katika Wilaya ya Kilindi ili nayo ifaidike na Mradi huu.

353. MHESHIMIWA INNOCENT LUGHA BASHUNGWA (KARAGWE):

Atamuuliza Mheshimiwa Waziri wa Maji na Umwagiliaji:- Mhe. Rais Mstaafu Dkt. Jakaya M. Kikwete aliwaahidi Wananchi wa Jimbo la Karagwe Mradi wa Maji wa Lwakajunju ambao haukujengwa kama ulivyoahidiwa, lakini Mhe. Rais Dkt. J. P. Magufuli nae aliahidi kwamba Mradi huo utatekelezwa:-

Je, Serikali imefikia wapi katika utekelezaji wa Mradi huo.


II. HOJA ZA SERIKALI:

WAZIRI WA FEDHA NA MIPANGO:

Kwamba, Bunge likubali kujadili Hali ya Uchumi wa Taifa kwa Mwaka 2015 na Mpango wa Maendeleo wa Taifa kwa Mwaka wa Fedha 2016/2017.

Kwamba, Bunge likubali kupitisha Mapendekezo ya Serikali kuhusu Makadirio ya Mapato na Matumizi kwa Mwaka wa Fedha 2016/2017.

(Majadiliano yanaendelea)



DODOMA
13 JUNI, 2016

DKT. T. D. KASHILILAH
KATIBU WA BUNGE